

Írta: dr. Papp János

2017. október 02. hétfő, 16:55 - Módosítás: 2017. október 02. hétfő, 17:03

---

Ande Kárpátok sakana but nipoške gruppura trajile. Shaj phenas, hoj butvar ande pacha. Vi ando Ungriko Them butfeloske vici rakhadyuvash, thaj kadal megzi pasha jekhkaver. Andel rangasle nipoške gruppura si jekh kethano dyelo: sa bolde-j. Ande jekh Del patyan, ando Kristush. sako dyes leste rudyin. Lestar zhukaren zhutype, te nasvale avile, Angla leste ingren penge shavoren te bolel. Ba andej Európa vi le statura o boldimo perdal avile statura thaj thema. Trubul te daravel o boldipe? – Trubul!

So te kerel o manush, te te zhutil kamel po kaver, pa kodoleste, kon amende boldenpen, Te na zhutinas? Kado na avlas phralikano. Kasavo boldo manush nashtig kerel. Thaj so te keras, te po zhutipe zhukardo manush chi lel kathar boldo o manro, te le rashajestar chi xutyilel o xaben, ke trushul si ande peski korr? Voj chaches bokhajlo-j? Lesko patyalipe kasavo zuralo-j, hoj majfeder merel, sar kathar jekh boldo primil-tar o xaben vaj o piben. Vi inke kathe kamel te avel. Sostar? Sostar na ando kasavo them zhal, kaj lesko patyalipe trajol, kado si statosko patyalipe, o islam? Mashkar drom le migransha shuven-tar penge dokumentura, pengo personalne lila, hoj te na zhanas kothar aven. So garaven? So nashtig zhanas? Si mashkar lende kasave, kon istonen le bolde sobrura. Pustin sa, so angle lende boldo si. Avri chi tordyon le bolden. Atunchi so shaj kamen amendar? Andre priminas len kade, hoj chi zhanas, so plankeren? Hoj von priminame boldenge, vaj na? Vaj vi amenge ando islam trubul te patyas?! Trubul bistras o Devles, o boldimo? Thaj slobodes shaj xas baluno mas, vaj chi mukhen kado? But pushipe, so po alosaripe zhukarel. ba kon shaj anel kadal alosaripe? O stat? O Del? Vaj ame?

Chi zhanas, de jokhar po agor te phenel trubul variso vi amange taj vi Eurapako Unioske, punje naj zebejime! Pe jekh detehara pe kodo shaj zhangalyuvash, hoj chi sam khore ande amaro them.